

Канон святителю Спиридону, епископу Тримифунтскому, чудотворцу

Память празднуем 12 (25) декабря

Тропарь, глас 1-й

Собора Перваго показался еси поборник и чудотворец, богоносе Спиридоне, отче наш. Темже мертву ты во гробе возгласив и змию в злато претворил еси, и внемгда пети тебе святых молитвы, Ангелы, сослужащия тебе, имел еси, священнейший. Слава Давшему тебе крепость, слава Венчавшему тя, слава Действующему тобою всем исцеления.

Глас 2

Песнь 1

Ирмос: Во глубине постла иногда фараонитское всевоинство преоруженная сила, воплощенное же Слово всезлбный грех потребило есть: препрославленный Господь славно бо прославися.

Припев: Святителю отче Спиридоне, моли Бога о нас.

Кротких землю достиг, отче, яко кроток, и милостив, и чист быв, настоящую сердца моего укроти бурю, яко да, в тишине Божественней быв, песнословлю тя.

Святителю отче Спиридоне, моли Бога о нас.

Делании Божественными душу, отче, очистив, боговиден, Спиридоне, был еси и Божественного Духа пресветлым обогатился еси осиянием; тем озаряеши чисто блажащия тя.

Слава: От паствы, якоже Давид, ты восприем, Содетель словесныя ты постави паствы пастыря всеизыщнейша, простотою и кротостию сияюща и беззлобием, преподобне пастырю, украшаема.

И ныне: Пресвятая Дево Чистая, просвети и освети помышления и душу мою, молюся, облаки разоряющи невежества моего и тьму отъемлющи греховную, яко да по долгу ублажаю Тя.

Песнь 3

Ирмос: На камени мя веры утвердив, расширил еси уста моя на враги моя, возвесели бо ся дух мой, внемгда пети: несть свят, якоже Бог наш, и несть праведен, паче Тебе, Господи.

Припев: Святителю отче Спиридоне, моли Бога о нас.

Ум твой безстрастием просветив и Божественным смирением украсився, дарования Духа приял еси отгонити духи и решить недуги верно чтущих тя, священнейше.

Святителю отче Спиридоне, моли Бога о нас.

Змия началозлобнаго убив, нрав сребролюбный поправ, милуя требующаго, святителю, змия преложил еси в златую утварь священными твоими молитвами, отче преподобне.

Слава: Возшел еси на гору безстрастия, вшел еси во храм Боговидения, в скрижали же сердца твоего приял еси закон спасительный, яко священнейший и угодник присный Владыки Твоего.

И ныне: Уврачі струпы души моея, ум мой, омраченный нерадением, Богоневесто, озари, да пою: несть непорочны, паче Тебе, Непорочная, и несть чисты, паче Тебе, Владычице.

Седален, гл. 8

От паствы овец предстательствовать Христо́ве Църкви вручився, па́стырь богопроизведен ты, Спиридо́не, возсиял еси́, злосла́вия во́лки отгна́л еси́ словесы́ твоими, на благоче́стия па́жители сию́ воспита́в. Те́мже посреде́ богоно́сных отцев ве́ру утверди́л еси́ му́дростию ду́ха, ие́ра́рше блаже́нне, моли́ Христа́ Бо́га прегрешений оставле́ние дарова́ти пра́зднующим любо́вию святу́ю па́мять твою́.

Сла́ва и ныне: Я́ко Всенепоро́чная Неве́сто Творцу́, я́ко Неискусому́жная Ма́ти Изба́вителя, приятелище я́ко су́щи Уте́шителя, Всепе́тая, беззако́ния мя су́ща скве́рное оби́телище и де́монов игра́лище в ра́зуме бы́вша, потщися от тех злоде́йства мя изба́вити и све́тлое жили́ще добродете́лей соверши́, светоносная, нетле́нная. Отжени́ облак страсте́й и Вы́шняго прича́стия сподо́би и све́та невече́рняго моли́твами Твои́ми.

Песнь 4

Ирмос: Прише́л еси́ от Де́вы не ходата́й, ни А́нгел, но Сам, Го́споди, вопло́щся, и спасл еси́ всего́ мя, челове́ка. Тем зову́ Ти: сла́ва си́ле Твое́й, Го́споди.

Припев: Свя́тителю о́тче Спиридо́не, моли́ Бо́га о нас.

Углыми Честна́го разже́ся Ду́ха, страсте́й удобопопаля́емую вещь, всеблаже́нне, поже́гл еси́, мир же огнесия́ньми добродете́лей твои́х, Спиридо́не, просветил еси́.

Свя́тителю о́тче Спиридо́не, моли́ Бо́га о нас.

Умертви́в тво́я плото́ская движе́ния, богодохнове́нне, ме́ртвья возста́вил еси́ животво́рным твои́м приглаго́ланием. Те́мже молю́ тя: умерщвле́нную ду́шу мою́, о́тче, оживи́.

Сла́ва: Повину́ющися, ме́ртвая тебе́ глас, о́тче, даде́ и ре́чная стремле́ния твои́ми удержаша́ся повеле́нии: яви́лся еси́ бо, блаже́нне, чудодо́латель, Божество́нную благода́ть прие́мь.

И ныне: Проро́цы Твоего́ та́инства глубину́ провозвести́ша недомы́сленную: еди́на бо роди́ла еси́, Чи́стая, Недора́зумева́емаго, вопло́щенна за милосе́рдие неиспове́димое.

Песнь 5

Ирмос: Просвеще́ние во тьме лежа́щих, спасе́ние отча́янных, Христэ́, Спа́се мой, к Тебе́ утре́нюю, Царю́ ми́ра, просвети́ мя сия́нием Твои́м, ино́го бо, ра́зве Тебе́, бо́га не зна́ю.

Припев: Свя́тителю о́тче Спиридо́не, моли́ Бо́га о нас.

Река́ су́щих в тебе́ дарова́ний вся́кое напо́яет, преподо́бне, се́рдце, всем да́рует богáтно здра́вие, вся Бо́га к сла́ве возставля́ет, тебе́ просла́вльшаго и чудодо́йствы вся́кими почествова́вшаго.

Свя́тителю о́тче Спиридо́не, моли́ Бо́га о нас.

Тя ца́рь земный, блаже́нне, Царя́ Небе́снаго я́ве позна́ и́скренняго раба́ и дарова́ний Божество́нных исполне́ннаго, всегда́ приити́ тебе́ к нему́, вели́каго вра́ча к Бо́гу возвеща́я.

Сла́ва: Авра́амову страннолю́бному нра́ву ты уподо́бился, всем до́ма твоего́ вхо́ды отвёрзл еси́, и всем всяк был еси́, и промышля́я су́щими во обстоя́нии, Спиридо́не

блаженне.

И ныне: Нова нам породила еси Младенца, прежде веков, Отроковице, рождена от Отца Безначальна. Егоже умоли, яко Сына и Бога Твоего, ущедрити Богородицу Тя, Пречистая, душею чистою возвещающия.

Песнь 6

Ирмос: В бездне греховней валяясь, неизследную милосердия Твоего призываю бездну: от тли, Боже, мя возведи.

Припев: Святителю отче Спиридоне, моли Бога о нас.

Злато, яко кал, тебе вменися, паче злата безстрастием сияюще и обогатившуся, преподобне, даровании всезлатыми Духа.

Святителю отче Спиридоне, моли Бога о нас.

Чисто служа Владыце Твоему, множество имел еси, преподобне, послушающее Тебе ангельских сил невидимыми гласы, священнейше.

Слава: Преславное, всеумдре, житие твое миру ты преславна, отче, содела. Темже Божественную память твою, радуящися, совершаем, поющии тя.

И ныне: Небес ширши чрево Твое бысть, Неискусомужная, Бога вместившее, нигдеже вместимаго, Всесвятая Дево Богоневесто.

Кондак, гл. 2

Любовию Христовою уязвився священнейший, ум вперив зарею Духа, детельным видением твоим деяние обрел еси, богоприятне, жертвенник Божественный быв, прося всем Божественного сияния.

Икос

Из чрева освященного иерарха Господня, восхвалим ныне Спиридона, благодати скрижали приемшаго Божественныя славы, и в чудесех преславнаго всей твари, и яко тепла и самовидца Божественнаго осияния, яко нищих предстателя и согрешающих душеводца: той бо Божественна Престолу Христову жертва бысть, прося всем Божественнаго сияния.

Песнь 7

Ирмос: Богопротивное веление беззаконнующаго мучителя высок пламень вознесло есть. Христос же простре богочестивым отроком росу духовную, Сый благословен и препрославлен.

Припев: Святителю отче Спиридоне, моли Бога о нас.

Моисеево незлобие, Давидову кротость, Иова Авситидскаго непорочное стяжав, Духа был еси жилище, поя, священнейше: Сый благословен и препрославлен.

Святителю отче Спиридоне, моли Бога о нас.

Орошения на главу твою во время жатвы небеса искапаша, будущее прознаменоваша: Бог бо, якоже рече, Божественную память твою, преподобне, прослави, верныя освящая ходатайством твоим.

Слава: В соборе отцев ты Бог прославляет, на суде словеса твоя сохраняя, блаженне, яже верою принесл еси, безсловеснейшаго Ария обуяющая яве и упраздняющая сего противление.

И ныне: Грозд возрастала еси неизреченным словом, яко лоза, Дево, Единого невозделаннаго, вино источающая, вся веселящее, вся освящающая земныя и всяко

пьянство лю́тых отъёмлюща.

Песнь 8

Ирмос: Пещь иногда́ о́гненная в Вавилоне́ де́йства разделяше, Бо́жим велением халдеи́ опалёющая, ве́рныя же ороша́ющая, пою́щая: благослови́те, вся дела́ Господня́, Го́спода.

Припев: Святите́лю о́тче Спиридо́не, моли́ Бо́га о нас.

Пещь страсте́й Божественными одождёнными Божественнаго Ду́ха погасил еси́ и ро́су источил еси́ неду́гов, о́тче, зной отъёмлющую ве́рно к тебе́ приходя́щих всегда́, блаже́нне Спиридо́не пребогáте.

Святите́лю о́тче Спиридо́не, моли́ Бо́га о нас.

Беззло́бив, прав, кро́ток же и ми́лостив, и незлопа́мятлив был еси́, любове́н, страннолюбе́ц, иерáрх священнейший, му́дростию укра́шен, преподо́бне, Правосла́вия. Тем же тя ве́рою почита́ем.

Слава: Дре́вле тебе́ глас, я́ко жива́, умершая вопро́шу ти, о́тче, даде́. О, чудесе́ изря́дна! О, пресла́внаго та́инства! О, благода́ти, ю́же получи́л еси́, житие́м украша́емь а́нгельским, досточу́дне!

И ныне: Стра́сти моего́ се́рдца исцели́ ми́лостию Твое́ю, Всепе́тая, ум мой умири́ и ду́шу мою́ просвети́, и ходи́ти мя возблагодуп́тстви на стези́ спаси́тельных, я́ко да при́сно пою́ Тя, Всепе́тая.

Песнь 9

Ирмос: Безнача́льна Родите́ля Сын, Бог и Госпо́дь, вопло́сья от Де́вы, нам яви́ся, омраче́нная просвети́ти, собра́ти расточе́нная. Тем Всепе́тую Богоро́дицу велича́ем.

Припев: Святите́лю о́тче Спиридо́не, моли́ Бо́га о нас.

Безнача́льна Родите́ля Сы́на я́сно пропове́дал еси́, Единосу́щна Отцу́ и Соприсносу́щна, посреде́ богоно́сных отце́в возвели́чився, и беззаконну́ющих заградил еси́ уста́, святите́лю всеблаже́нне.

Святите́лю о́тче Спиридо́не, моли́ Бо́га о нас.

Многосве́тлое со́лнце, отце́в украше́ние, иере́ев сла́ва, Ангелов совсе́льниче, твою́ светонóсную па́мять ра́достно ны́не соверша́ющая Све́та сподо́би невече́рняго моли́твами твои́ми.

Слава: Божественная селения́, град Небе́сный, пра́зднуюющих кра́сный лик освяще́нную ду́шу твою́ и добродете́льми укра́шенную, всеблаже́нне, при́ят во гла́се ра́дования.

И ныне: Ве́лие та́инство па́че ума́ Рожде́ства Твоего́ удивля́ет А́нгелы, Богора́дованная, наслажда́ет преподо́бных собо́р, священны́я же весели́т отцы́, Божественно пою́щая Тя, наде́жду душ на́ших.

Светилен

Тя от безсловесны́я па́сты преведе́ в словесную́ Дух, богоно́се, я́коже Моисе́я и Дави́да, ихже уподо́бился еси́ нра́ву, Спиридо́не, све́те вселенны́я.

Богородичен: Су́щих от Бо́га ми́ру подáнных благих Ты вина́ была́ еси́, Богоро́дице, но и ны́не умилостиви о́ общем спасе́нии благопре́ннаго Бо́га.

Молитва первая

О вели́кий и пречу́дный святите́лю Христо́в и чудотво́рче Спиридо́не, Керки́рская похвало́, все́я вселенны́я свети́льниче пресве́тлый, те́плый к Бо́гу моли́твенниче и

всем к тебе прибегающим и с верою молящимся скоропредстательный заступниче! Ты веру православную на Никейском Соборе посреде отцев преславно изъяснил еси, ты единство Святыя Троицы чудесною силою показал еси и еретиков до конца посрамил еси. Услыши нас, грешных, святителю Христов, молящихся тебе и сильным твоим предстательством у Господа избави нас от всякаго злаго обстояния: от глады, потопы, огня и смертоносныя язвы. Ты бо во временней жизни своей от всех сих бедствий избавлял еси людей твоих: от нашествия агарян и от глады страну твою сохранил еси, царя от неисцельнаго недуга избавил и многия грешники к покаянию привел еси, мертвых преславно воскрешал еси, за святость же жития твоего Ангелы невидимо в церкви поющия и сослужащия тебе имел еси. Сице убо прослави тебе, вернаго Своего раба, Владыка Христос, яко вся тайная человеческая деяния дарова тебе разумети и обличати неправедно живущия. Многим в скудости и недостаточестве живущим ты усердно помогал еси, люди убогия изобильно во время глады напитал еси и ина многа знамения силою в тебе живущаго Духа Божия сотворил еси. Сице и нас не остави, святителю Христов, поминай нас, чад своих, у Престола Вседержителя и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдныя и мирныя и блаженства вечнаго в будущем веце сподобит нас, да выну возсылаем славу и благодарение Отцу и Сыну и Духу Святому, ныне и присно и во веки веков. Аминь.

Молитва вторая

О всеблаженный святителю Спиридоне, великий угодниче Христов и преславный чудотворче! Предстояй на Небеси Престолу Божию с лики Ангел, призри милостивым оком на предстоящия зде люди и просящии сильныя твоея помощи. Умоли благоутробие Человеколюбца Бога, да не осудит нас по беззакониям нашим, но да сотворит с нами по милости Своей! Испроси нам у Христа и Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим благая, даруемая нам от щедрого Бога, но во славу Его и в прославление твоего заступления! Избави всех верою несумненною к Богу приходящих от всяких бед душевных и телесных, от всех томлений и диавольских наветов! Будь печальным утешителем, недугующим врач, в напастех помощник, нагим покровитель, вдовицам заступник, сирым защитник, младенцам питатель, старым укрепитель, странствующим путеводитель, плавающим кормчий и исходатайствуй всем крепкия помощи твоея требующим вся, яже ко спасению полезная! Яко да, твоими молитвами наставляеми и соблюдаеми, достигнем в вечный покой и купно с тобою прославим Бога, в Троице Святей славимаго, Отца и Сына и Святаго Духа, ныне и присно и во веки веков. Аминь.